

陞蒲米反 蜇上音哲 蟄又呼各反 即下音教 覺下音 要上音 誓上音

邀二同七入 緝反下 葺正用 飲於錦反 飲於上音 曬所賣反

蠕上音 動而音 白下音 製正作 赫許容反

捫上音 摸莫胡反 狹侯夾反 囉力加反 捺上代反 稗拜滿反

反才夜反 藉七細反 砌兄利反 邁莫敗反 鹿弊

上倉胡反 縫上音 治下音 揣上徒反 食官反

平江路城東磧沙延聖寺比丘清表謹發誠心捐施中統鈔伍定恭入本寺大藏經局助刊大藏經文所集 功德上酬 佛祖之恩下救生或之德普滿三有咸利四生法界究親同圓種智者 大德十年三月 日意

佛本行集經卷第四十七 基七

隋天竺三藏法師闍那崛多譯

大迦葉因緣品下

尔時彼帝釋王作如是念我于今者亦可下生彼閻浮提人間受生教化彼等教誨成就作是思惟已喚四天王言善哉仁者汝於今

者可就我所聽我教令我今意欲共汝等輩生於人間教化人故教誨彼等我於彼時當作師子王身汝等當作師子而守護之將多眷屬而圍遶之作是身已遊歷村舍城邑聚落遊行處時時彼人輩若問汝等我等應當與汝何物汝等應當報彼人言曰別與我一百數人若其彼等復問汝等須丈夫也須小兒也為取婦人為取男子汝等應報作如是言若有多煞生者如是等人日須一百用供給此師子王食如是偷盜人者行邪淫者行妄語者或兩舌者或惡口者或綺語者或多貪者或多瞋者或邪見者如是之等諸惡人輩日須一百供此師子若其有諸不煞生者汝等勿與如此之人師子不食如是不盜者乃至不邪見者汝等勿與如此師子悉皆不食復須是教家別一人決須出家 尔時帝釋及四天王善教思惟作是念已下來閻浮尔時帝釋化作師子縱廣高下一俱

盧舍猶如師子無有異也時彼人衆在師子後爲師子王索食而行如彼昔時帝釋所教無有異也

尔時彼衆以怖師子悔心煞生無有偷盜亦無邪婬乃至無有邪見之心悉具足持修十善業家別一人出家學道行四梵行命終已後生於梵宮於其衆中若有人等唯持十善不出家者彼等人輩多生人天流轉而行是摩訶迦葉於彼時中如是方便爲衆多人作大利益以過去世因緣力故今亦復尔爲衆人民作大利益諸比丘是摩訶迦葉比丘於未來世弥勒世尊法教之中亦爲多人作大利益時諸比丘白佛言世尊是摩訶迦葉於彼云何當作利益佛告諸比丘言諸比丘是摩訶迦葉我涅槃後攝護我法及諸戒律令久住世當作法會盡其形壽將命終時入於山間以神通力住持此身起如此願願我此身勿令散壞乃至弥勒如來多陀阿伽度三藐三

基

二

佛陀出見我身也作是思惟已遂捨身命入無餘涅槃彼涅槃後二山還合於後弥勒得阿耨多羅三藐三佛陀時廣顯法教於彼時間彌勒世尊憶念是大迦葉舍利生憶念已告諸比丘作如是言汝等比丘欲見釋迦牟尼多陀阿伽度三藐三佛陀聲聞弟子少欲知足頭陀第一者所謂摩訶迦葉以不彼等比丘白言唯然世尊我等樂見

尔時彌勒如來阿羅訶帝三藐三佛陀與無量千衆左右圍遶至於彼所至彼處已時彼兩山即便兩開尔時彌勒多陀伽多三藐三佛陀見大迦葉比丘舍利不散不壞唯着僧伽梨見已告諸比丘言諸比丘此是釋迦多陀伽多三藐三佛陀聲聞弟子頭陀第一名大迦葉即其人也
尔時彌勒多陀伽多三藐三佛陀在於彼處爲諸比丘而說其法作如是言諸比丘迦葉比丘所行如是我如是教汝等今者應如迦

葉比丘所行

尔時衆中多千比丘乘如是法行如是法如摩訶迦葉比丘所當行也於彼衆中無量千數衆等於彼法中當得清淨法眼

佛告諸比丘如是次第是大迦葉比丘爲當來時大利益也諸比丘我今戒勸汝等學大

其七

三

迦葉比丘願汝等行如迦葉比丘也

佛本行集經跋陀羅夫婦因緣品第四十八

尔時跋陀羅迦卑梨耶女以不得善師遂至外道波離婆闍迦所出家學道精勤修習成就彼法剋獲四禪具足五通於彼法中得大名稱成就威力

尔時世尊已開女人聽其出家于時摩訶波闍波提爲五百釋女皆悉出家光顯佛法建立比丘尼衆於彼時間長老迦葉作是思惟我於往昔已許跋陀羅迦卑梨耶女得善教師要當相示必令汝得出家學道復作是念彼跋陀羅卑梨耶女今在何處即便入定

觀察是女以清淨天眼過於人眼觀見是女在彼波離婆闍迦外道之處出家學道住在恒河河岸之處修外道行見已便喚一箇得通比丘尼來而告言曰善哉姊妹汝若知時其跋陀羅迦卑梨耶女於波離婆闍迦外道之所出家學道今在恒河河岸之所善哉姊妹汝應詣彼如實告言善哉姊妹汝夫迦葉我共同師出家學道汝今亦可往詣彼所於我師邊出家學道修行梵行時彼得通比丘尼聞長老摩訶迦葉如是語已譬如壯士屈伸臂頃彼比丘尼如風迅疾從舍衛城而没其身相遂至於跋陀羅迦卑梨耶波離婆闍迦外道女前現身却住在於一面彼比丘尼即便慰問波離婆闍迦外道之女慰問已訖而復告言善哉姊妹汝應知時汝夫迦葉與我同師出家學道修行梵行汝今亦可往詣彼所於我師邊出家學道修行梵行尔時跋陀羅迦卑梨耶波離婆闍迦外道之

女問彼比丘尼言善哉姊妹汝等教師當何
 所似作是語已彼比丘尼報跋陀羅外道女
 言善哉姊妹我等教師以三十二大人之相
 莊嚴其身具足八十種好十八不共佛法十
 力四無所畏大慈大悲無邊戒眾具足無邊
 定眾具足無邊智慧眾具足無邊解脫眾具
 足無邊解脫知見眾具足我彼大師一切聲
 聞諸弟子等亦復如是戒眾具足定眾具足
 智慧眾具足解脫眾具足解脫知見眾具足
 時彼比丘尼於跋陀羅迦卑梨耶女前如是
 如是嘆佛功德及聲聞弟子時彼跋陀羅迦
 卑梨耶外道之女聞已遂於如來及比丘僧
 所心得清淨得清淨已告彼比丘尼言善哉
 姊妹若如是者我當隨去時彼比丘尼語跋
 陀羅迦卑梨耶外道女言善哉姊妹乘我神
 通相隨而去
 尔時跋陀羅報彼比丘尼作如是言善哉姊
 妹然我身自有神通也

尔時彼比丘尼共跋陀羅迦卑梨耶外道女
 於彼發引亦如壯士屈伸臂頰從恒河所即
 便没身於祇陀林中忽然出現往詣佛所其
 跋陀羅迦卑梨耶外道之女遙見世尊端嚴殊
 妙乃至猶如虚空眾星莊嚴見已心得清淨
 即至佛前到已頂禮佛足而白佛言善哉世
 尊聽我出家授我具戒

尔時世尊告阿難言長老阿難將此跋陀羅
 迦卑梨耶外道之女付囑摩訶波闍波提憍
 曇彌勒教言曰此跋陀羅迦卑梨耶外道之
 女放令出家授具足戒是女當得神通具足
 威力並備

基七

五

尔時長老阿難奉佛勅命白佛言曰如世尊
 教不敢違也遂將彼女向於摩訶波闍波提
 憍曇彌比丘尼所到已具陳如上之事
 尔時摩訶波闍波提憍曇彌比丘尼度跋陀
 羅迦卑梨耶外道之女令得出家授具足戒
 具戒未久至空閑處獨自安靜遠離諸濁精

勤苦行心不放逸思惟而住

尔時跋陀羅迦卑梨耶外道之女既得出家授具足戒乃至心不放逸思惟而住不久彼眾諸善男子善女人等正信出家求無上梵行現得見法自得神通所作已辦得安樂住口自唱言生死已斷梵行已立所作已辦不受後有

是長老女見知是已遂得阿羅漢果心得解脫世尊復記告諸比丘作如是言是比丘尼於聲聞比丘尼識宿命是跋陀羅迦卑梨耶比丘尼最爲第一

諸比丘尼凡所諮問皆能記別尔時彼等諸比丘尼眾大生希有想各各嗟嘆希有希有是跋陀羅迦卑梨耶比丘尼而大眾中諸比丘尼父已出家修行梵行未得如是捷疾神通如跋陀羅迦卑梨耶比丘尼者
尔時彼比丘尼眾有心疑故往詣如來能斷疑惑達解一切實義者之所到已頂禮佛足

却住一面住一面已彼諸比丘尼眾白佛言

世尊此跋陀羅迦卑梨耶比丘尼往昔之時作何善根而於今者生大富家資財具足乃至一切無所乏少身相端正眾人樂見觀者無厭世所希有具足眾相復以何緣而得出家具諸戒行疾得神通世尊授記於諸聲聞比丘尼眾弟子之中識宿命者是跋陀羅迦卑梨耶比丘尼最爲第一

作是語已佛告諸比丘尼作如是言諸比丘尼我念往昔波羅柰城中有二女共爲親友一者大富長者女二者大姓婆羅門女尔時彼婆羅門大種姓女請彼大富長者之女至

其舍宅時迦葉如來多陀阿伽度三藐三佛隨詣大富長者家時彼大富長者女見迦葉如來詣於已舍即便出舍迎逆世尊時彼婆羅門女不肯出迎時彼大富長者女告大婆羅門女善哉姊妹汝以何故不迎世尊彼女報之言善哉姊妹我手無物云何空手往詣

佛所令向佛邊以何等事自恣迎佛

尔時大富長者之女報彼女言善哉姊妹汝但迎佛如來必入尔時彼大婆羅門女遂造一蓋眾寶莊嚴以細疊衣彌覆其上復以種種諸華鬘等四散垂下

尔時迦葉如來阿羅訶三藐三佛陀於晨朝時日在東方愍彼女故著衣持鉢詣彼大富長者女家

尔時婆羅門大姓女持彼寶蓋奉獻迦葉如來阿羅訶三藐三佛陀奉獻訖復以偈誦而說之曰

種種寶蓋金為柄

微妙細衣華復上

迎奉丈夫大威德

唯願世尊哀納受

尔時迦葉如來阿羅訶三藐三佛陀愍彼女故受其寶蓋汝等比丘尼勿作心疑彼時施寶蓋女豈異人乎即跋陀羅迦卑梨耶比丘尼是也

諸比丘尼更有因緣我念往昔還此波羅柰

基七

七

城有一大富長者其彼長者有駟使女於彼時間有一辟支佛依波羅柰大城而住

尔時辟支佛於晨朝時日在東方著衣持鉢詣大長者舍宅乞食尔時使女見辟支佛漸進而來威儀庠序進止有方尔時彼女心得清淨得清淨已速詣家中向長者婦邊而白言曰善哉聖女有一比丘在門乞食

時長者婦梳髮而坐以其左手舉髮遥看彼辟支佛是辟支佛形體醜陋身不正直時長者婦見已即告彼使女言我今不喜如是醜陋不正之人况與食耶是時使女復白彼言善哉聖女但與但與此仙人食如是之人何必端正但取心賢時長者婦復作是言我實不喜如是之人云何遣我布施食也使女復言聖女今者若不喜與仙人食者但願與我一日食料我自迴施時長者婦復作是言善哉姊妹汝今既是我家作使取汝自分隨意所與

尔時使女於長者婦邊取自分食奉獻尊者
辟支佛也

諸辟支佛有如是法以神通力教化衆生不
以餘法時辟支佛於使女邊生憐愍故受所
奉食即於彼前騰空而去時彼使女見辟支
佛以神通力飛騰空行既見此已歡喜踊躍
身心遍滿不能自勝合十指掌遙即頂禮向
彼尊者辟支佛隨遂起是願口即唱言願我
將來值是好師或勝是者彼所說法願速領
悟生生世世不墮惡道勿令醜陋得不正身
如此仙人所以者何以醜陋故乞食不得我
所生處一切時中可喜端正衆所樂觀

尔時彼長者婦見彼尊者辟支佛現大神通
騰虛而去見已告彼使女言曰善哉姊妹汝
可與我如此功德我於今者倍與汝食時彼
使女白長者婦作如是言善哉聖女我不能
與時長者婦復作是言善哉姊妹願汝與我
如此功德我與汝食兩倍於前彼使女言亦

不能與如是三分四分五分十分二十分三
十分四十分五十分悉不肯與

時長者婦復告使女善哉姊妹汝今與我如此
功德我今與汝一百分食使女言曰亦不能與
尔時彼長者婦即生瞋恨便告之曰汝以何
故故違我勅遂捉使女苦加打縛時彼使女
遂即高聲作大啼哭

尔時彼大長者從外入來見彼使女啼哭如
是而問之曰賢者何故如此啼哭時彼使女
即向長者說前情狀

尔時長者便生瞋恨即喚已婦令解衣服及
諸瓔珞復告言曰我既遣汝檢校家資乃有
沙門婆羅門者詣家乞食而汝不與以是因
緣駭令出堂安置小室弊陋之處即召使女
教令洗浴以婦瓔珞衣服之具悉授使女即
令彼女開倉庫門顯示財寶而告之曰賢者
如是錢財物中若有沙門婆羅門等若有乞
者任隨施與莫爲限礙

汝等比丘於意云何彼時長者家內使女豈
 異人乎勿作斯疑此即跋陀羅迦卑梨耶比
 丘尼是也時彼使女以於辟支佛所生清淨
 心故隨其終已生忉利天可喜端正眾所樂
 觀最勝最妙於忉利天宮殿之處於玉女中
 無有勝者而彼天上有四天子各各諍競求彼

基七

九

玉女欲以為妻各各言曰是玉女者當與為婦
 時天帝釋見四天子各各諍競即勅言曰仁
 者汝等各競欲取此女為妻汝等宜各隨便
 說偈偈最勝者即便相與爾時彼四天子白天
 帝釋善哉天王唯願天王於前說偈我等當說
 時彼天帝釋即說偈言

行坐恒思念 寢卧常無樂 我著睡眠時

尔乃心放捨

尔時彼四天子之内有一天子復說偈言

天王汝快樂 睡眠得安隱 猶如戰鼓聲

常恒攪亂我

于時第二天子復說偈言

如擊戰鼓聲 是聲互有無 如近耳搖酪
 攪亂我不息

于時第三天子復說偈言

搖酪容有時 有急亦有疾 我為欲所亂
 狀如炎日光

于時第四天子復說偈言

汝等皆安樂 善巧能說偈 我今不自知
 為活為當死

尔時天帝釋見第四天子心耽著欲即說偈言
 是人欲捨命 不久自當死 恐捨天處樂
 宜速授彼女

時彼大眾更共評論遂授彼女時彼使女從
 是已來不墮惡道周迴往返於天人處經無
 量生於最後生生迦毗羅婆羅門家多饒財
 寶資財無量是跋陀羅迦比丘尼由於往昔
 生在彼大婆羅門家為女之時於迦葉如來
 三藐三佛陀所施雜寶蓋復以往昔在長者
 家為使女時因施彼尊者辟支佛食一食飯故

而發願言願我所生可喜端正衆所樂見以彼業果因緣力故生生之處可喜端正衆人樂觀最勝最妙爲人所慕緣於彼時又復願言令我將來勿墮惡道以是業報因緣力故生生之處不落三塗於天人處周旋往返常受快樂以於彼時更乞願言令我將來願值如是教師或勝此者從彼聞法皆能領悟以是業報因緣力故今得值我復得出家具足衆戒亦復能得速疾神通我爲授記於聲聞衆比丘尼中得宿命通最第一者所謂跋陀羅迦卑梨耶比丘尼是也諸比丘尼是跋陀羅迦卑梨耶昔種善根以彼善根因緣力故是跋陀羅迦卑梨耶比丘尼今生富貴大婆羅門家端正可喜乃至於我聲聞之衆比丘尼中憶往宿命最爲第一

告諸比丘言諸比丘是跋陀羅迦卑梨耶比丘尼非但今世隨順摩訶迦葉出家過去之世亦復如是隨順出家諸比丘白佛言世尊此事云何願爲解說

佛告諸比丘我念往昔有一貧人修營田業時貧人婦從家而出以食餉夫到一河邊見一尊者辟支迦趺樹下端身正念身心不動時彼貧婦見辟支佛心生清淨合十指掌頭頂禮足敬意在前其夫在田遙見其婦從家而出入河岸下不見渡處即起心念誰在彼邊共誰而住於即不來今我飢渴甚大疲頓思欲早至以是因緣彼夫即便生大瞋恚悵基七

快不樂執杖向彼至彼處已見辟支佛安坐禪定見已即作如是思惟我婦今者與彼沙門共爲世事決無疑也于時彼人生大瞋恨以杖打彼婆私瑟吒尊者辟支佛亦時辟支佛即從彼岸以神通力騰空飛行

時彼貧婦即白夫言咄哉汝造如是大罪仙

人無咎以何義故橫生惱亂今此大仙戒德具足行於妙法有大威德具大神通亦時貧人打辟支佛已尋即生悔既生悔已即告婦言善哉姊妹汝於今者可共出家同修梵行所以者何我今是罪不可以少因緣除滅婦即報夫作是言曰善哉聖子不敢違教今我二人捨家出家時彼二人齊心出家既出家已二人修行成就慈心捨身命終遂生梵處汝等比丘於意云何于彼昔時如是貧人營田業者豈異人乎摩訶迦葉比丘是也彼時貧人之婦供養辟支佛為夫餉食乃至成就慈心捨身命終生梵宮者豈異人乎即跋陀羅迦卑梨耶比丘尼是也以於彼時隨夫出家故於今者亦復隨逐摩訶迦葉出家不違教也佛本行集經舍利目連因緣品第四十九上

亦時摩伽陀聚落去王舍城不遠有一村柵名那羅陀彼村之中有一巨富大婆羅門名曰檀孃耶那隋言吉至住在彼村又有師說彼婆

羅門名曰檀那達多隋云財與彼婆羅門甚大臣富有資財如毗沙門一種無異彼婆羅門具有八子其第一子名曰憂波低沙其第二子名曰大膝其第三子名曰純陀其第四子名曰姜叉頡唎拔多其第五子名曰闍陀第六名曰閻浮訶迦第七名曰憍陳尼第八名曰蘇達離舍那是名八子復有一女名曰蘇尸彌迦是女於彼波離婆闍外道法中出家修道摩訶僧祇師復言彼婆羅門有七子所謂第一名曰達摩其第二者名曰蘇達摩第三名曰憂波達摩其第四者名曰坻沙第五名曰憂波坻沙第六名曰頡唎拔多第七名曰基七憂波波離拔多是名七子其憂波坻沙摩那婆於兄弟內最為處大善能誦習亦教他人於四韋陀莫不曉悟誦習成就善能解釋自餘諸論所謂尼捷陀難晝婆等及其名字一能釋明宿世事巧能分別於五明處曉了無礙授記別論縷練在心六十四能具足成

